



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacros. Concilii Tridentini Canones Et Decreta

Gallemart, Jean

Coloniæ Agrippinæ, 1621

Capvt II. De differentia Sacramenti Pœnitentiæ & Baptismi.

urn:nbn:de:hbz:466:1-39157

qui verba illa ad potestatem prædicandi verbum Dei, & Christi Euangelium annunciandi, contra huiusmodi Sacramenti institutionem falsò detorquent.

REMISSIONES.

Vide Sayr. de Sacramentis in genere lib. 2. cap. 2. q. 1. art. 1. vers. de Pœnitentiæ Sacramento. P. Gabr. Vasquez in 3. p. D. Thomæ, tom. 2. disp. 135. num. 10. P. Egid. de Conink. de Sacrament. & censur. tom. 1. q. 66. num. 140. P. Valer. Regin. in praxi fori pœn. lib. 28. num. 39. cum seqq.

CAPVT II.

De differentia Sacramenti Pœnitentiæ & Baptismi.

Alterum hoc Sacramentum a multis rationibus à Baptismo differre dignoscitur. nam præterquam quòd materia & forma, quibus Sacramenti essentia perficitur, longissimè distat: constat certè, Baptismi ministerium iudicem esse non oportere; cùm Ecclesia in neminem iudicium exerceat, qui non priùs in ipsam per Baptismi ianuam fuerit ingressus. b Quid enim mihi, inquit Apostolus, de ijs, qui foris sunt, iudicare? Secùs est de domesticis fidei, quos Christus Dominus c lauaro Baptismi sui corporis membra semel effecit: nam hos, si se postea crimine aliquo contaminauerint, non iam repetito Baptismo abluì, cum id in Ecclesia Catholica nulla ratione liceat, sed ante hoc tribunal, tamquam reos, sisti voluit; vt per sacerdotum sententiam non semel, sed quoties ab admissis peccatis ad ipsum pœnitentes confugerint, possent liberari. Alius præterea est Baptismi, & alius Pœnitentiæ fructus. per Baptismum enim Christum d induentes, noua prorsus in illo efficiuntur creatura, plenam & integram peccatorum omnium remissionem consequentes: ad quam tamen nouitatem & integritatem per Sacramentum Pœnitentiæ, sine magnis nostris fletibus & laboribus, diuina id exigente iustitia, petuenire nequam possumus: s vt meruò pœnitentiæ laboriosus quidam Baptismus à sanctis Patribus dictus fuerit. Est 7 autem

a supr. Sess. 4. de iustif. c. 1. 4. & infra Can. 4.

b 1. Cor. 5. in fi. c. multi. 2. q. 1. c. gaudentes, de diuor. c. 1. Cor. 12. b. c. verbum, de pœn. dist. 1.

d Galat. 3.

prædicatio
declaratio
sacerdotum

tem hoc Sacramentum Pœnitentiæ lapsis post Baptismum ad salutem necessarium, vt nondum regeneratis ipse Baptismus.

REMISSIONES.

Vide P. Egid. de Conink. de Sacram. & censur. q. 68. art. 3. num. 41. Gregor. de Valentia, tom. 4. disput. 7. q. 1. puncto. 5. P. Socin. tom. 4. disp. 17. sect. 11. §. Secunda veritas Fidei, P. Valer. Regin. in praxi fori pœn. lib. 28. n. 38.

β Vt meritò Pœnitentiæ laboriosus, &c.] Vide Nau. in cap. vi. de pœn. dist. 7. §. Quod quamuis, num. 10. & 11. Sayr. de Sacram. in generali 5. c. 1. q. vnic. art. 2. vers. de Pœnit.

γ Est autem hoc Sacramentum Pœnitentiæ lapsis post Baptismum ad salutem necessarium.] Vide P. Henric. in sum. lib. 4. c. 2. §. 2. P. Valer. Regin. in praxi fori pœn. lib. 6. num. 42.

CAPUT III.

De partibus & fructu huius Sacramenti.

Docet præterea sancta Synodus s. Sacramenti Pœnitentiæ formam, in qua præcipuè ipsius vis sita est, in illis ministri verbis positam esse: Ego te absoluo, &c. quibus quidem de Ecclesiæ sanctæ more preces quædam indubitaliter adiunguntur: ad ipsius tamen formæ essentiali nequaquam spectant, neque ad ipsius Sacramenti administrationem sunt necessaria. Sunt β autem quasi materia huius Sacramenti, ipsius pœnitentis actus, a nempe Contritio, Confessio & Satisfactio. Qui quatenus in pœnitente ad integritatem Sacramenti, ad plenamque & perfectam peccatorum remissionem ex Dei institutione requiruntur, huius ratione Pœnitentiæ partes dicuntur. Sanè verò res & effectus huius Sacramenti, quantum ad eius vim & efficaciam pertinet, reconciliatio est cum Deo, quam interdum in viris pijs & cum deuotione hoc Sacramentum percipientibus, conscientiæ pax ac serenitas cum vehementi spiritus consolatione consequi solet. Hæc de partibus & effectu huius Sacramenti sancta Synodus tradens, summe eorum sententias damnat, qui Pœnitentiæ partes, incertos conscientiæ terrores & fidem esse contendunt.

a Supra Sess. 6. de re sist. cap. 14. infra Can. 4.

REMISS